

- ¶ Item 2 8 8 0 0 gemainer schuch machent ain teütsche meyl
 ¶ Die Sunn ist grösser dann der Mon 6 6 4 4 malen
 ¶ Die Kugel der erden hat 1 2 0 5 2 meil
 ¶ Ain stund ist 6 0 Minuten
 ¶ Ain stund ist 3 6 0 0 Secund
 ¶ Ain stund ist 2 1 6 0 0 0 tertz
 ¶ Ain stund ist 1 2 9 6 0 0 0 0 quare
 ¶ Ain stund ist 1 0 0 0 punct
 ¶ Ain minut ist 1 6 punct 2 tertz

Wann man den tag anfacht

Vnd von dem Schaltiar

S ist zu wissenn das wir nach Cristlicher ordnung Begeend
 vnßere iar nach der Sunnen lauff durch die zwölff zaychen
 des himels. vnd als vil zeit die Sunne bedarff darzu das sy
 durch lauff die .xij. zaichen / als vil zeit nemen wir für ain iar
 Vn bedarff die Sunn 3 6 5 tag vnd 6 stund ain wenig

minder. vnd darumb so hat das iar so vil tag vnd stund. die bringent zwou
 vnd fünfzig wochen vnd ain tag. Seid nun ain yettliche woch hat sibem
 tag so hand die lerer gesezt sibem buchstabenn als die A B C D E F G.
 die bedeütten sibem tag ainer yettlichen wochen. also das alle iar ir ainer be-
 deüt den Santag. ainer den montag vnd also fürbas. Vnd nach dem g
 kumpt man wider auff das A. Ist es aber ain schalt iar So seind der buch-
 staben zwou die den Santag bedeütten. Der erst wert von dem angenden iar
 bis zu sanct Matheis tag vnd nit fürbas. Vnd der ander buchstab wert das
 iar voll hinauß. Werendt aber der wochen gleych 52 also das kein tag über
 blib So bedeütet ain buchstab ewitlich den Santag. Seid malen aber das
 ain tag über die wochen ist darumb verwandelt sich der Sontäglich buch-
 stab vnd auch die andren. Vnd von des selben überigen tags wegen vnd der
 sechs stund wegen bedeütent ettwan zwou buchstabenn den sunntag vnd
 das geschicht nun im schalt iar

36 4